

經部

欽定四庫全書

經部

大學翼真卷三

詳校官左都御史臣李 綬

刑部郎中臣許兆椿覆勘

總校官庶古士臣何思釣 校對官中書臣王鍾泰 腾銀監生日間

澧

次 里里车全 弟入學之在 經部 四書期

金グセスといって 卷四 卷三 大學之教 古本大學 學校選舉之法 改本大學 大學經傳撰

欠とり自己は 卷六 卷五 傅之五章釋正心修身 傅之四章釋誠意此以下並釋 傅之三章釋經第三節及第六節第七節 傅之二章釋經第二節第五節釋在此章 傅之一章釋經第一節 經一章 大學翼真

金艺中人人 卷七 傅之八章釋治國平天下 傅之七章釋齊家治國 國朝胡渭撰渭有禹貢雖指別著録是書卷 傅之六章釋修身齊家 臣等謹案大學異真七卷 分四目曰大學二字音義曰先王學校之制 曰子弟入學之年曰鄉學之教卷二分三目

とこうられたか **肯仍以未子為主力闢王學改本之誤以經** 游該者可比卷四以下為渭所考定之本大 卷三分三目曰大學經傳撰人曰古本大學 為第一章統釋三綱領以詩云邦畿千里至 為一章傳為八章其誠意章以下與諸本並 同惟以康誥曰至是故君子無所不用其極 日改本大學皆引據精核考證詳明非空疎 日小學之教日大學之教日學校選舉之法 大學異真

金片巴屋台書 本未之意而移此謂知本二句于前章止於 此以没世不忘也為第二章謂前三節釋經 信之下謂知本為知止之訛與諸本為異雖 之序以聽訟吾猶人也一節為第三章謂釋 知止能得之序後两節釋知止之由與能得 耳其論格物固仍然朱子之肯也其卷末一 少變朱子之說然僅謂格致一章不必補傳 條謂古之大學所以教人者其文則詩書禮 目録

欽定四車全書 博學審問慎思明辨為行故孟子謂序序學 命理氣之談似五常百行之外別有一物謂 校告所以明人倫云云所見切實視泛為性 之道別有一事謂之學者勝之遠矣乾隆四 樂其道則父子君臣夫婦長幼朋友其法則 十三年五月恭校上 大學翼真 總 總養官臣紀的臣 路銀作及我士教 官 · 臣 陸

r	 	 	 	 -
i				コーバンメノ
,				1111
				財

九三日三人 異真一書本非欲為講義而作盖以古本出自禮記多 意章之前以明格致之義者使大學之書如廬山之 本以為不分經傳者於本經亦無害至有割聖經知 止二節合聽訟章為格致傳者又有移淇澳章置誠 以大學本無闕文又不應作補傳也於是有崇信古 句成立於學官始為不利之書而後人猶或非之則 有錯簡明道伊川並有改本尚未有定論自朱子章 大學異真


畿章內安頓此謂知本二句於止於信之下如是而 横看成領側看成峰遠近高低所見各異而大學之 由於此至誠意章後不過博採諸家折中朱子以成 真面目幾不可識矣是書之作欲為大學重開生面 也所更定者唯合康語盤銘為一章標格致義於邦 此書非作書本意所重 頭不欠尾不刺渾然天成毫髮無恨矣是書之作實 已然而向之疑為行疑為闕因而割裂推移者今已

金月四月百十

たこりき かか 格物傳寓止至善傳中瞿氏已言之並非創說吳草廬 古本不分經傳朱子始别首章為經餘皆為傳確不可 易然而康語章已釋明明德而盤銘一節復與上章 經第一節則傳語俱有歸宿而界限亦更分明雖與 相連界限未清學者疑之今合康語盤銘為一章釋 謂經文玉盤無闕吾於傳文亦云 朱子分章小異亦無嫌也 相連邦畿章始釋止至善而盤銘章亦節又與下章 大學翼真

學校之制言人人殊是書言之特詳為從來所未有其 多分四月百書 此謂知本二句當在止於信下雖由夏雨落一言契合 者實之下云是之謂知止知止然後謂之知至則 聯絡不特此二句有安頓之所并知本之當作知止 未明言此謂知本二句當在止於信下而語脈顯然 而顧亭林實發其端亭林論知止以仁敬孝慈信五 於先儒之說散見於禮經注疏者合者取之不合者 亦已明其故矣 雖

欠己日月八書 或問語類中有與章句互異者擇而從之惟其當而已 是書之折中盡善爾 及餘義可以旁通者彥昇軟附識數語庶覽者益知 謬也是書究極精微炎盡枝葉其有他書可以互證 發明取之較多者以其能遵章句之指而開時解之 置而不論不欲輕議先儒之失也 至所取諸儒之說極精亦極嚴而於夏雨蒼之朱註 大學異真



大已日年公告 音非應說也音既不同義隨而變盖音泰者主學官而 宋也 文云大舊音泰劉直帶反音代劉昌宗三國魏人撰 禮記凡四十九篇其第四十二曰大學陸德明經典釋 同時則固有兩音矣朱子大學章句云今讀如字從劉徐越則固有兩音矣朱子大學章句云今讀如字從劉 欽定四庫全書 大學翼真卷一 大學二字音義 大學翼真 德清胡渭撰

金人口屋有電 言大學之書名及所言三綱領八條目之事是也案釋 言天子之辟雕諸侯之類官是也讀如宇者主教術而 學者五皆音泰王制大學在郊亦音泰與篇中大師大 文條例音堪互用義可並行者靡不畢書故學記言大 端各有所當學者宜審義以定音不可執一而論矣又 祖大子大樂正等同而此篇獨東存劉音是知言豈一 則康成早以博學解大學書名讀如字又不自劉始也 孔疏引鄭目録云名曰大學以其記博學可以為政然

大きりるころ 他音更成無辯夫質有精廳謂之好惡 如心有爱憎 音讀此字者或輕或重微有不同而其義則一也釋文 學官當音泰書名當讀如字恐亦是三國時翻切威 行 在浮清或滞於沈濁今之去取真祛兹弊亦恐還是殼 條例云方言差别固自不同河北江南最為鉅異或失 之後强生分别原古作者之意大字只與小對言即方 有疑章句為臆說而欲改從舊音者亦考之不詳耳

金牙四月在書 矣大學之大或音泰或讀如字正陸氏所謂近代始分 餘及夫自敗海邁敗他收及之殊自壞 塚 堪撤上音 朱子章句序曰大學之書古之大學所以教人之法也 還是數音更成無辯者也 之異此等或近代始分或古已為别相仍積習有自來 者因教法之大小以名其官其義則尚書大傳云十三 上大學謂書名下大學謂所學之官辟雕有官是也古 八小學見小節踐小義二十入大學見大節踐大義方

大下日日日日 者唯間巷常談謂長者為大人幼者為小人不可以說 大人世及以為禮是也有兼德位言之者飛龍在天利 或問又與小子對言曰有大人之學有小子之學今家 見大人大人以繼明照于四方是也從未有以年齒 諸經傳所稱大人有以德言之者因亨貞大人吉大人 之矣自召與叔解云大學者大人之學也而章句因之 怒曰小學所以處學之小者大學所以處學之大者盡 不失其赤子之心是也有以位言之者大人患失而感 大學異真 桶

者與 大學之學音胡覺切訓效論語集註云學之為言效是 也漢儒訓學為覺則學當音胡教切學記引兒讀為 義云冠而后服備將責成人禮焉思齊之卒章曰肆成 是大學中教人之法其誤亦有所自來若改大人之學 人有德小子有造成人與小子對言非即士之入大學 為成人之學即無病古者入大學之年以冠為期故冠 經俗講或以位言或兼德位言直說大人自為學不知

言也學之為言效後覺者必效先覺之所為主學者言 學與數同數可訓覺義如以斯道覺斯民之覺主教者 也學養子專指知一邊以條目言之格物致知即中庸 大學一篇凡言學者三大學之道學兼知行而言道學 為父子君臣長幼皆音户教反鄭注云學教也故說文 也文王世子曰學世子學干戈學羽篇學舞干成學之 日學學半方慰云上學宇宜讀日數說命亦作數數教

大元日明八十二

大學翼真

學而時習之是也大抵學以知言者十之九以行言及 行近乎仁夫人幼而學之壯而欲行之是也有以學與 之事故程于曰五者廢其一非學也此兼知行之說也 金牙口尼白書 博學審問慎思明辨之事誠意正心修身皆中庸寫行 則殆是也有以學與習對言者則學該問習該思辨行 思對言者則學該問思該辨學而不思則罔思而不學 又有以學與行對言者則學該問思辨好學近乎知力 知行言者十之一隨文生義要不失聖賢立言之本

措而已 古之教者家有塾黨有庠術有序國有學 禮記學記古之王者建國君民教學為先 鄭氏曰術當為遂古者仕馬而己者歸教於問里朝 鄭康成曰教學謂內則設師保以教使國子學為外 夕坐於門門側之堂謂之塾周禮五百家為黨萬二 則有大學庠序之官 先王學校之制 大學翼真

銀戶四庫全書 千五百家為遂黨屬於鄉遂在遠郊之外 家之時朝夕出入恒受教於塾庠序皆學名國謂天 子羣后之子及鄉中俊選所升之士也諸侯但立時 于所都及諸侯國中也周禮天子立四代學以教世 十五家為問同共一巷巷首有門門邊有塾謂民在 孔氏類達曰古之教者謂上世也問禮百里之內二 王之學故云國有學 渭按鄉飲酒義主人迎賓于库門之外鄭注云庠

C. I True De ser 降於鄉一等所設唯序故以序屬遂每鄉一庠五 以明庠序之偏設鄉以庠為大故畧序而不言遂 宇不應在黨之下記者之意盖錯舉鄉遂之學名 會民而射于州序又黨正以禮屬民而飲酒于序 以正齒位故有謂此文當作州有序者然果係州 所治之黨庠於是乎設故亦得云黨有庠其實乃 鄉學也州黨曰序而此文云黨有庠者蓋鄉大夫 鄉之庠非此黨之所得而私也周禮州長以禮 大學翼真 立

|對定匹庫全書 孟子設為库序學校以教之库者養也校者教也序者 射也夏曰校殷曰序周曰庠學則三代共之 朱子曰庠以養老為義校以教民為義序以習射為 義皆鄉學也學國學也共之無異名也 簡不帥者老皆朝于庠則庠鄉學名也周官州長會 陳氏祥道禮書曰鄉飲酒主人迎賓于庠門之外鄉 野大率如此 序遂無庠六遂凡六序學校之制詳於郊而畧於

州長其爵與遂大夫同則遂之學其名與州序同可 官一等則遂之學亦降鄉一等矣降鄉一等而謂之 而教之於鄉庠謂之黨有庠可也周禮遂官各降鄉 合二十五家而教之於問塾謂之家有塾則合五黨 仕者教子弟於問塾之基則家有塾云者非家塾也 曰庠記言黨有庠州曰序記言遂有序何也古之致 鄭人之所欲毀者謂之鄉校則校亦鄉學名也然鄉 民射于州序黨正屬民飲酒丁序則序亦鄉學名也

とこう こう シューション・ニュー

大學翼真

銀定四月在書 周禮師氏教國子居虎門之左畫虎以示威武之象 也 為典要歟 校以論執政者則似鄉亦有校豈時俗之混稱不可 傳云中里為校室此即家塾左傳云鄭人有遊於鄉 無徵蓋周之鄉學唯立庠序不立校也何休注公羊 周曰序與孟子錯互鄉庠州序周禮有明文而校獨 按漢書儒林傳三代之道鄉里有教夏曰校殷曰庠 寢

大三日月八十 保氏養國子以道使其屬守王聞宮中之 禮記內則虞庠在國之西郊 蔡氏邕明堂論曰爾雅曰宫中之門謂之聞王居明 鄭氏曰周立小學於西郊 堂之禮又别陰陽門南門稱門西門稱聞故周官有 王闍然則師氏居東門南門保氏居西門北門也 門闌之學師氏教以三德守王門保氏教以六藝守 按天子之小學有二一在內門聞之學是也一在 大學翼真

金万四月月 詩大雅靈臺之三章曰處業維樅鼖鼓維鏞於論鼓鐘 Æ 所 養老以 文王有聲之六章曰鎬京辟雕自西自東自南自北無 義曰 然土之高者田丘以水繞丘 不服皇王丞哉等曰武王於錦 張子曰靈臺辟廱文王之學也辟廱之在鎬京者武 節 外西郊之虞庠是也 辟 教孝弟 約 觀 雕之禮 傳曰水旋 者令 1 在外而 謂 丘如 來 觏 壁 觏 者 此 也 日 皆 水 辟 感 亦 廱 京 化 圓 YZ 行 其 石 節 辟 怹 内 觀 廱 Ü 有 者 Ž, Æ 禮 義 如日 服 四

久己口里公事! 王之學也辟靡至此始為天子之學 作鎬又作辟廱則離有東西矣令按後漢書注引 澤也故先儒以為澤宫即西郊之虞庠恐非王氏 韓詩薛君章句曰西雅文王之雅也王說本此當 曰辟靡有水隱所集也文王作豐有辟雕矣武王 靈臺辟雕猶遵諸侯之制及武王有天下宜加壯 侯不得立焉周頌曰振鷺于飛于彼西雖傳曰雝 麗故更立辟靡于鎬京由是遂為天子之學而諸 大學異真

金百口四百言 氏養國老於東序養庶老於西序殷人養國老於右學 記內則有處氏養國老於上庠養庶老於下庠夏后 去蓋二十五里據此則靈臺辟雕武王時在鎬京 從之鄭康成云豐在豐水之西鎬在豐水之東相 志辟雍靈沼今悉無復處惟靈臺孤立高二丈地三輔黃屬文王辟雍在長安西北四十里括 之西故指為西難也史記封禪 鎬京遺 陷 長安縣西 一百二十步元和郡國志 馬 址 十八里 自漢 武帝穿昆 周 曰 武 P 王宫即 潭 周 滈 子 有 辟 周

教孝弟之處故於中養老熊氏云國老謂卿大夫致 皆學名也異者四代相變耳孔曰養老必在學者以學 養庶老於左學周人養國老於東膠養庶老於虞庠 老於此養馬下庠西序左學虞庠小學也故庶老於 成均瞽宗之名則上庠東序右學東膠大學也故國 此養焉記曰天子設四學蓋周之制也周之辟癰即 序殿則右學左學周則東膠虞庠而周則又有辟顧 陳氏禮書曰四代之學虞則上庠下庠夏則東序西 也

ACAL COLUMN TO LAND

大學異真

金万口屋台書 成均也東膠即東序也瞽宗即右學也蓋成均居中 瞽宗也有司卒事適東序設三光五更之席即養國 先聖馬即祀先賢於西學也祀先賢於西學則祭於 侯之德夫天子視學則成均也命有司行事祭先師 於大學所以教諸侯之弟祀先賢於西學所以教諸 小學也記曰天子視學命有司行事祭先師先聖焉 其左東序其右瞽宗此大學也虞庠在國之西郊則 卒事遂適東序設三老五更之席又曰食三老五更

State State 均領學政右學祀樂祖東序養老更右學東序不特 存其制而已又因其所上之方而位之也 東序盖與成均並建於一丘之上而已由是觀之成 東序在周謂之東膠亦謂之大學蓋夏學上東而下 老於東膠也養國老於東膠即食三老五更於大學 西殷學上右而下左周之所存特其上者耳則右學 也然則殷之右學在周謂之西學亦謂之瞽宗夏之 禮書此論最為精聚惟謂辟靡即成均而不言上 大學翼真

銀好四月至書 官大司樂掌成均之灋以治建國之學政大司樂 矣昔夔為樂正傳 典樂教胄子當在上庠而周 庠未免渗漏按文王世子云禮在瞽宗書在上庠 即王制之所謂大樂正也其官職與變同而董仲 則有虞氏之制周實修而用之為養老學書之地 子承師問道之所非大司樂教國子之地不得名 舒云成均五帝之學故虞之成均别名上庠而周 之上庠亦曰成均則成均即上庠可知辟靡乃天

COPINE SELF **祭義天子設四學當入學而大子齒** 為右學一名聲宗及舞盖皆存舊制而被之以新 蓋惟辟雕建在水中之一丘而三學環之於外水 意乎謂右學東序與成均並建於一丘之上亦非得無謂右學東序與成均並建於一丘之上亦非 **號是為天子設四學也** 北為上庠一名成均水東為東序一名東膠水西 有虞此周之學名必取於虞氏之库五帝之成國老於上庠是已盖命變典樂教胄子其制辞 王氏周禮詳記曰五帝之學名失其傳 大學異真 均耳成均国之大學所謂

|動定四庫全書 山陰陸氏佃曰天子立四學并其中學而五直於一 而貴仁東序是也帝入南學尚齒而貴信成均是也 環水而觀之矣是之謂辟靡學禮曰帝入東學尚親 更及出師受成等就焉當天子入大學則四學之人 語樂舞者就成均辟靡唯天子承師問道養三老五 學書者就上庠學舞干戈羽篇者就東序學樂德樂 處並建周人辟雕則辟雕最居中其南為成均其北 為上庠其東為東序其西為瞽宗當學禮者就瞽宗

欠己日臣 是以云 序之類若辟雕雖大子不得預故曰設四學當入學 示敬道也又曰司徒論選士之秀者而升之學蓋東 尊爵上庠是也帝入大學承師而問道辟雕是也總 帝入西學尚賢而貴德瞽宗是也帝入北學尚貴而 而大子齒學者所學之官也蓋辟雕非其所學之官 而言之四學亦大學也學記曰大學始教皮并祭菜 五學之目見大載禮及漢書買誼傳然四尚四貴

大學翼真.

<u>±</u>

金分四月百十 之制也 至辟靡也蔡邕云辟雕水廣二十四丈四周於外 闢不宜更建成均以塞其前使車駕繞官而北以 安石新經故有此說成均者上庠之别名非二學 之三學與當代之學而為四成均即上庠無南學 周列三代之學可見周之四學只是兼設虞夏殷 南北對立王者嚮明而治義取諸離南方自宜洞 配四學絕無義理小戴不取有以也陸氏頗附會

王制天子命之教然後為學小學在公宫南之左大學 宗上庠所謂當入學而大子齒者入此三學耳 序替宗處库及四郊之學為四學皆非也 芳以四小在郊大學在國為五學顔師古以東 樂記云左射貍首右射賜虞蓋二學自為左右 彦昇按文王世子言學世子及學士在東序藝 也所謂郊學者止此康成謂周四郊有處庠劉 又按虞庠為射宫靈臺辟雕為澤宫俱在西郊

大學麗真

金月四月月月 在郊天子曰辟雅諸侯曰獨音半典宫 鄭氏日學所以學戶教士之宫 學則其學在官之左右 陳氏禮書曰諸侯之學小學在內大學在外故王制 張子曰此小學是教國子胄子之幼小者未能入大 升於外然後達於京故也天子之學小學居外大學 言小學在公宫南之左大學在郊以其選士由內以 居内故文王世子言凡語於郊遠之於成均取爵於

必資禮於天子所謂命之教矣 侯矣未有不命之教而不得立學也蓋古之立國也 於天下王制所謂命之教然後為學者何也日立諸 臨川王氏安石曰天下不可一日無教學不可一日廢 上尊以其選士由外以升於內然後達於朝故也 者盖東西門以南通水北無也其詩曰無小無大 **類宫即魯頌之泮水鄭箋云辟顧者築土雖水水** 之外圓如璧四方來觀者均也泮之言半也半水

TACINITY ALLE

大學翼真

金云四母全書 學也有官問學也 明堂位米廪有虞氏之庠也序夏后氏之序也瞽宗殷 將有事於上帝則於此先有事焉然則序與瞽宗蓋 陳氏禮書曰類宮即泮水大學也鲁之大學在郊故 以藏梁威 孔氏曰此一經明魯得立四代之學魯以虞庠為廩 從公于邁言邁則類宮在郊明矣辟雕只陪說或 因上大學在郊遂謂天子亦外大學非也

とこり言いい 亦設於類宮之左右而米原其公宮南之小學敷 其制亦少殺於周云 止兼立東序瞽宗而改虞庠曰米廩以為小學蓋 充當於周世之學在泮宫也據陳氏說則魯大學 存古法而已其行禮之飲酒養老兵事之受成告 詩主頌其修泮宮者先代之學尊魯侯得立之示 但立時王之學又詩泮水疏云魯有四代之學此 按孔氏學記疏云尊魯亦立四代學餘諸侯於國 大學議真 去

一金定四库全書 郊則米廪亦心在西郊但此郊學無取賢斂才 虞庠又有虎門之學也又按文王世子云王命 而公宫南之左又有小學以教子弟猶天子有 彦昇按魯有米廩以擬天子之虞庠虞庠在西 公侯伯子男反養老于東序可知魯行養老之 設小學而無小學之教也盖魯於西郊有米廪 弟之所陳氏以米廪當公宫南之小學是魯雖 之事特於是藏粢威而因名之為米廪非教子

火モの日本とは 小節焉束髮而就大學學大藝焉履大節焉 大戴禮記保傳古者年八歲而出就外舍學小藝馬履 大學王宫之東者束髮謂成童白虎通曰八歲入小 盧氏辯曰小學謂庠門庠門一作虎門師保之學也 子弟入學之年 皆有東序一學也 又可知諸侯雖不得立四代之學泮宫之外亦 禮當在東序不與受成告克等事同在泮宫也

大學翼真

金万口匠石電 學十五入大學是也此大子之禮尚書大傅曰公卿 則曰十年出就外傳居宿於外學書計者謂公卿已 學之期也又曰十五年入小學十八入大學謂諸子 践小義年二十入大學見大節而踐大義此國子入 之大子大夫元士嫡子年十三始入小學見小節而 下教子於家也周書盧辯傳辯字景宣以大載禮 姓晚成者至十五入小學其早成者十八入大學內 有訓詁乃注 康成

大心可用於 書大傳所言十三年入小學乃公卿大夫元士適子 世子便入小學軟 禮保傅傳及白虎通之說十三年入小學二十入大 之禮蓋公卿巳下之子弟年方童幼未應便入天子 學尚書大傳之說程朱二子從保傳白虎通又曰尚 鄱陽馬氏端臨曰按八歲入小學十五入大學大戴 令入師氏所掌虎門小學而天子則別無私學所以 之學所以十年出就外傅且學於家塾直至十三方 大學異真

金万四月五書 古者入學之年大抵以貴賤為差貴者生而有天 學十五而入大學也三禮義宗云諸侯之子亦 正容體齊顏色順解令而后禮義備以正君臣親 義曰凡人之所以為人者禮義也禮義之始在於 以成其德此天子諸侯之世子所以八歲而入 下國家之責且或有童年嗣世之事故宜早諭教 父子和長幼君臣正父子親長幼和而后禮義立 之東其說小異然其入大學之年各以冠為斷冠路門之外正朝然其入大學之年各以冠為斷冠

傅姆九年以前凡六甲五方書計之事宝家長幼 整而士大夫之子 反十歲就外傅者以貴家內有 言是也由命士以上及大夫之子二十入大學內 故冠而后服備服備而后容體正顏色齊辭令順 則曰二十而冠始學禮是也問里之子亦八歲入 君十五而冠故十五入大學大戴禮白虎通之所 禮故曰冠者禮之始入大學者學成人之禮也國 故曰冠者禮之始也盖古者服備而后可責成人

Control Li Lin

大學翼真

動分四月在書 漢書食貨志八歲入小學十五入大學 之子入學之年也尚書大傳十三入小學二十入 之子二十入大學而問里之秀者反十五入大學 之節早已教之矣故需至十歲亦不妨也士大夫 大學此公卿大夫元士之子入學之年也其所謂 按白虎通八歲入小學十五入大學此天子諸侯 於四術故十五亦可入也 何也其所謂大學乃庠序非成均也三物之教易

とこりるという 鄉學之教 遲至十五早者二十改為十八理或然也 古者二 前說異盧氏以為諸子姓成有早晚故晚者十三 大學漢書儒林傳云太常擇民年十八巳上儀 塾大學則岸序也大傳又曰十五入小學十八入 大學此庶人之子入學之年也其所謂小學即家 故則或前或却容有不同 三十而娶亦言其大率有 小學大學皆國學也食貨志八歲入小學十五入 狀端正者補博士弟子盖依大傳為制 大學翼真

視讀 漢書食貨志在埜曰廬在邑曰里五家為鄰五鄰為里 於左塾 也於里有序而鄉有库序以明教库則行禮而視化馬 寇賊習禮文也春將出民里胥平旦坐於右塾鄰長坐 日示春令民畢出在益冬則畢入於邑所以順陰陽備 百户也鄰長位下士自此以上稍登一級至鄉而為 四里為族五族為黨五黨為州五州為鄉鄉萬二千五 畢出然後歸夕亦如之入者以持新樵輕重相分 爾雅釋官云門側之堂謂之塾郭璞 也門之內外其東西皆有塾 塾 日夾門堂 四 其 卿

金万四月五十

たろり直入り 書計之事始知室家長幼之節十五入大學學先聖禮 幼童皆當受業豈論嫡庶乎八歲入小學學六甲五方餘子師古日未任役者是也八歲入小學學六甲五方 得四十五日是月餘子亦在於序室蘇林日餘子庶 斑白不提挈冬民既入婦人同巷相從夜績女工一 樂而知朝廷君臣之禮 所謂序室何休注公羊傳云中里為校室選其者 問里胥即問胥鄰長即比長也里有序即下文之 渭按五家為鄰即周禮之比五鄰為里即周禮之 大學翼真 + 月

金戶四月在書 老有高德者名曰父老十月事竟父老教於校 康成曰古者任焉而已者歸教於問里朝夕坐 蓋校者教也故謂之校室校室即學記之家塾 師 次為左師我里中之子弟又書門側之堂謂之塾是也孔疏引 師坐 志作序室而謂里有序誤矣據州長春秋 窮 渭 致 Ð 右舉左 師坐 過 按仕 而 或 春 朝 而 繼之以 桁 退老 ŋ 督 出 察 歸其鄉 民 左塾則農隊之 Ļ 됸 里胥 出 一吏 坐 里 道 而 大 ረ 右 夫 傳道 白 師 非 塾 為 虎 膊 說者 通 满 教 云 師 里 大 鄭 於 室 夫 中 右 為

大小不可以鄉為小學國為大學也 與國學無沙說者不知此義或指庠序為小學或 又謂鄉學無大小之名皆非也鄉學國學各自有 也校室為小學庠序為大學只就鄉學中別大小 禮會民而射于州序則序當設於州里不得有之

金万口屋石書 恤之刑七曰造言之刑八曰亂民之刑蘇曰造言訛 以鄉八刑糾萬民一曰不孝之刑二曰不睦之刑三曰 三日六藝禮事樂鼓射失御華書文數 作執左道 亂政 退在睡峒之下兼施於師長五曰不任之刑六曰不爛之上專施於兄弟此變言五曰不任之刑六曰不 **婣之刑四日不弟之刑** 平庵項氏安世口賓與者所謂格則承之庸之也繼 之以八刑所謂否則威之也 也 鄭日不弟不敬師長賈曰 感寒亂民 吉 此

愧矣 能夫六行者日可見之行人人所當勉者也尚不修 所不容人類所不齒是之謂戮民加之以刑可以無 其行則害於其身禍於其家亂人倫而傷聖治王法 則止於六行何邪人之性有厚薄昏明之異則德不 可以皆同人之材有能與不能之别則藝不可以皆 三山鄭氏鍔日教民之三物以六德六行六藝糾民 正月之五章曰謂山蓋界為岡為陵民之訛言寧

たこりをき

大學翼真

圭

各以教其所治民鄭野日教法既布都鄙邦國宣化承 對反匹庫在書 乃施教靈於邦國都鄙 用見口三年人也上 使之 莫之懲訛言即此所謂造言也孟子曰上無禮下 於此王法之所必誅而不以聽者故八刑以是終 焉 言無實惡衆聽亂民左道達政令害教之大莫甚 無學賊民與丧無日矣賊民即此所謂亂民也造 流之職各推 而行之以 教其所

ころいう たいよう 鄉老二鄉則公一人鄉大夫每鄉鄉一人 王氏曰鄉老公也尊之於鄉憲其言行不累以事故 稱老鄉老於司徒之官非屬而無職 風俗同治天下猶運之掌上矣 **薄四海皆以鄉三物教其所治之民則道德一而** 也諸侯之所以教一皆聽命於天子內自畿甸外 於邦國此即王制所謂天子命之教然後為學者 司徒之教法既成於鄉遂乃推之於都鄙又推之 大學翼真

金元四庫全書 之鄉 書于王則與焉所謂師也父兄也六鄉三公為之師 黄氏度曰鄉大夫猶有職掌鄉老唯大比與賢能獻 道中參六官之事外與六鄉之教其要為民是以屬 鄭氏曰王置六鄉則公有三人也三公者內與王論 書曰周公師保萬民蓋紀實也 在鄉稱老 長沙易氏被曰天下達尊三鄉老兼焉故在朝稱公

大巴四巨色馬 歟 柳之尊不嫌於下行六鄉之事則教化之務 顧不重 鄉則見之未聞六卿為之屬者而於鄉則見之以公 薛氏平仲曰六官之建未聞三公之列於官也而於 也小司徒所謂六鄉四郊之吏是也大夫士之仕 者為鄉老亦師也鄉三物之教實三公主之蓋欲 焉而已者歸教於問里則師也三公之仕焉而已 按六鄉之中有吏有師自鄉大夫以至比長皆吏 大學翼真

以教其所治以改其德行察其道藝王氏日及知其 之古受教灣于司徒退而領之於其鄉吏州長以使各 之以糾其過惡而戒之若以歲時祭祀州社則屬其民 鄉大夫之職 月之吉各屬其州之民而讀灋以改其德行道藝而勸 每州中大夫一人各掌其州之教治政令之靈二千五百家為州 視樂正尤尊重焉 以小民之親遜風天下莫先於六鄉故庠序之官 一萬二千五 百家為 椰 各掌其鄉之政教禁令正月 JE, 實

孟月吉日則屬民而讀邦灋以糾戒之春秋祭崇亦如 黨正黨下大夫一人各掌其黨之政令教治及四時之 とこり ほんこう 教灋如初 三命而不齒正歲屬民讀灋而書其德行道藝 而飲酒于序以正齒位壹命齒于鄉里再命齒于父族 而讀灋亦如之春秋以禮會民而射于州序正歲則讀 禁者祭 川之神見左傳 百家為族每 上士一人月吉 日月星辰及 大學翼真 每月則屬民而讀邦灋書其孝 國索鬼神而祭祀則以禮屬民 ニナ六

書其敬敏任恤者凡事掌其比橫捷罰之事 金月口周月月 比長 誾 弟睦娟有學者春秋祭輔亦如之事 辜奇衰則相及 長樂劉氏舜曰王都之外百里之內為地四同而畫 飲酒喪紀於是辛者 之數聚眾庶既比則讀灋若州丧紀鄉老鄉大夫之數聚眾庶既比則讀灋 五家為比每 此下士一人各掌其比之治五家相受相和親有 問中士 十五家為 阊 人凡春秋之祭祀謂州社黨 之神 E 酺 故 者 書 為 役政 酺 物 或 裁 役 田

道路矣 孟子謹庠序之教申之以孝悌之義頒白者不負戴於 朱子曰庠序皆學名也申重也丁寧反覆之意善事 夫三十人也下大夫百五十人也上士七百五十人 父母為孝善事兄長為悌須與班同老人頭半白黑 也中士三千人也下士萬五千人也上下相維禮義 為六鄉專其德行道藝之職則三公也六卿也中大 之俗成於六鄉而化天下之本立矣

Manda Little

大學翼真

-+ +

金分四月百書 者也負任在背戴任在首夫民衣食不足則不暇治 矣 悌則人知愛親敬長而代其勞不使之負戴於道路 知矣 者皆分代老者之任風俗敬老如此則尊君親上可 白者不提挈不特子弟代父兄之勞凡行道之人少 禮義而飽煖無教則又近於禽獸故既富而教以孝 仁山金氏履祥曰古者道路之制輕任并重任分頒

書舜典帝曰契百姓不親五品不遜汝作司徒敬敷五 禮樂推之於朝廷而庠序居然為鄉之大學矣 義焉知其義則孝可移於君悌可移於長通之於 之聞也故自問里以升庠序者必申之以孝悌之 不明矣先是校室之教非不以孝悌而其義則未 人倫而人倫莫先於孝悌孝悌之義明則其餘無 按鄉三物之教法可謂詳矣而孟子一言以蔽之 曰申之以孝悌之義蓋庠序學校之設皆所以明

大学異真

教在寛 民如此 多方で月百十 之直之輔之異之使自得之又從而振德之聖人之憂 孟子人之有道也飽食煖衣逸居而無教則近於禽獸 聖人有憂之使契為司徒教以人倫父子有親君臣有 義夫婦有別長幼有序朋友有信放勲曰勞之來之匡 朱子曰人之有道言其皆有秉舜之性也然無教則 亦放逸怠惰而失之故聖人設官而教以人倫亦因

也人倫明於上小民親於下 夏曰校殷曰序周曰庠學則三代共之皆所以明人倫 有序朋友有信此人之大倫也库序學校皆以明此 朱子曰倫序也父子有親君臣有義夫婦有别長幼 其放逸怠惰而或失之蓋命契之辭也 使自得其性矣又從而提撕警覺之以加惠焉不使 宇者來之邪者正之枉者直之輔以立之翼以行之 其固有者而道之耳德猶惠也竟言勞好者勞之來

钦定四車公事!

大學翼真

=+2

而已 欲養士以待用已無古人教民意思至其所以教之 次崖林氏希元曰古人建學惟在於明人倫使民親 於下耳其間俊秀成材者則升而用之今之學校惟 又只是區區文藝之末非古人所以造士之舊矣 按舜命契之解其發端曰百姓不親五品不遜而 孟子亦曰人倫明於上小民親於下可見古人之 建學專為小民而設造士其第二義也放敷之言

尺三日月八十 俊選亦與焉雖其意亦主於明倫終不若鄉學盡 后變典樂别是一大有司專為胄子而設而國之 命契意皆在小民即周官大司徒鄉三物之教也 也家有塾黨有岸術有序益自上世已然堯舜之 欲多方誘掖以使之自得其性即敷教在寬之旨 人而教之為化民成俗之要道也 大學異真

大三の 車三等 禮記曲禮人生十年曰幼學 欽定四庫全書 藍田吕氏大臨曰未十年非不學也能食教以右手 宿於外學書計 鄭氏曰名曰幼時始可學也內則十年出就外傅居 大學翼真卷二 小學之教 大學翼真 德清胡渭撰

内則由命士以上及大夫之子自而見自謂家子未食 金白四月百十 矣 子能食食上母教以右手能言男唯 天好知子能食食上如字教以右手能言男唯 于葵 也庶子妾子也則命士以上之適子為冢子之同母 代父者鄭曰冢大也冢子猶言長子也適子謂世子弟 而見必執其右手適子庶子已食而見必循其首軍子 之職出就外傅乃所謂學也 能言教以唯俞六年教數與方名七年教之男女之 但因事而教之未足以名之學至十年可以從弟子 别八年教之長幼之序九年教之數日然未就外傳

こうえ 惡 宿 盲 則 沓 坐 應 也 1. LT 則· 典 緩 朔 經 日 日 方名謂東西南 父 入門 帥 謂 之茜 **一** ナ 户及即 随 教學 後 百千萬 有 矣讓 行 學無 席飲食必後長 兄 北七年男女不同席 而 年 男用 坐 師 之茜 鴈 作 前 也 F 遵習先 敎 觴 樵 酒 行 用 用 上衣袴 帨 Ð 遜 所 豆 則 繒 巾 帛 主 所 砌 行 者 H 讓 固 而

詩师樂文 反四库全書 也 故張 B 岩 1 使日而 日 之 者 勺 宇 末類 成 信 酌 氏 陸 也 朝 日 |氏致 内 舞勺成 日 文之 周 五 故所. 大 習始 武 作 上 三 簡教 此 當 而之 也 乃 請 易以 可 從 簡 日 以勺 日 諒童 どく 而子 諒 易 日

問禮師氏掌以做詔王以三德教國子鄭曰國子公 節而書計與象与射御皆所謂學小藝也此小學 之所由名也 長幼之節以內則言之則朝夕學幼儀所謂履小 所謂六甲五方書計之事小節即漢志所謂室家 年十三則入師氏所掌虎門之小學矣大載禮曰 十年出就外傅此士大夫之子學於家塾者也至 八歲而就外舍學小藝馬履小節馬小藝即漢志

大足四年 上

保氏掌諫王惡而養國子以道齡之而後散之以藝儀 以為行本三日孝德以知逆惡教三行一日孝行以親 學君臣父子長幼之道一日至德以為道本二日敏德氏教之而世子亦齒馬一日至德以為道本二日敏德 弟謂家子及其母弟也貴 子遊 弟學馬黃氏日貴游子弟其父兄之尚尊者也游鄭 之事以教國子弟 朝夕與居處者也居虎門之左司王朝掌國中去失中之先生長者師長居虎門之左司王朝掌國中去 金牙豆屋石書 游 父母二日友行以尊賢良三曰順行以事師長品氏曰 子弟謂妾所生之子也 郭曰中中禮者失失凡國之貴游子 倅之遊 同義渭

Caldin Airi 賓客之容皇皇三日朝廷之容朔朔四日喪紀之容 武三曰五射注襄尺井儀四曰五取鳴和鸞逐大三曰五射白矢参連則四日五取鳴和鸞逐 口纍纍 旁要 教之六藝一曰五禮 顛 程贏不 五日六書處事假借請聲六日九數少廣商功均 而已未及夫朝廷君臣之禮保氏之藝儀亦皆儀 師氏所教不過父子長幼之道與舊事之中失 五日軍旅之容路於六日車馬之容少儀日 乃教之六儀一曰祭祀之容少儀日齊 大學異真 賓嘉 吉凶軍 君表舞交衢逐 韶大夏大 商 匪 翼 翼 170 咸

學道春合諸學東京 釤定匹庫全書 諸子掌國子之件諸子即無義所謂天掌其戒令與其教 退之 進者任 辨其等正其位凡國之政事國子存遊倅使之修德 Ħ 謂之小學 文度數之事而先聖禮樂之義則未之講也故亦 廢 黄氏曰國子與王子弟共學國有 也易氏曰使之修有職任而必存遊 學道 國 大學即 而退 保 氏 者 酢 秋合諸射 謂 德即師氏所謂三 华使之修德學道 養國 子 射信即以改其藝而 以道 謂三德教 政事圈子

たこり見きす 官以佐之使之修德學道而改其藝以進退之也 所留意周之威也喬木有世臣之家裳華有賢者 先王於民間之秀士固無所遺而故家大族尤其 數多多則師保之教或有所不逮故又設諸子之 之類夫豈無自哉 皆可稱國子冢子代父而適子庶子皆副貳其代 父者故謂之倅遊倅其無官司者也冢子數少倅 按命士以上及大夫之子有冢子有適子有庶子 大學翼真

内則虞庠在國之西郊立於西郊而名 銀気四周至書 虞庠與虎門皆國之小學也而虞庠教士之法無 聞焉周人養庶老於虞庠經有明文而文王世子 彦昇按諸侯有師儒之官鄭注大等云 師保之官同諸侯有庶子之官燕禮有庶子官 子之官同 云 所子為政其攻藝進退之法亦當與天子 六藝以敦民者 者儒諸侯保氏有 于公族者 其德行藝儀之教當與天子 師氏有德行以鄭注大宰云師 用虞之下庠 之日虞庠 民侯

異者移於庠序庠序之異者移國 向學於少學 是乎行禮皆非教士之法也食貨志言問里之秀 以澤宮為虞庠然語郊乃選舉之事養老習射於 射於澤而後射於射官鄭注曰澤官名也說者亦 即虞庠之在西郊者記射義云天子将祭必先習 郊又周禮庶子職云秋合諸射先儒以射為射官 於郊學孔疏曰郊西郊也周以虞庠為小學在西 云凡語于郊者必取賢斂才焉鄭注曰語謂論說

大己日明在山山

大學翼真

金与四月百十 學白學於小學小學非即虞库欺竊意鄉論秀士 事古書少何休注公羊傳亦云庠之秀者移於國 士之學於此者但觀其行禮聽其論辨而不必有 或仍留小學而曲藝則名曰郊人以別於成均也 者以升之大學耳其不得入大學者或用為鄉吏 升之司徒者本皆學於小學而司徒則又論其秀 虞庠盖大樂正之所兼掌而教法終無可考宣選 師長朝夕以董之歟易曰觀國之光利用賓于王 通也

欠己四重白島 論語子曰弟子入則孝出則弟謹而信汎愛衆而親仁 行有餘カ則以學文 程子曰為弟子之職力有餘則學文不修其職而先 朱子曰謹者行奉之有常也信者言之有實也汎廣 學文非謂行到從容 也文謂詩書六藝之文語類日只是行此数事外 也衆謂衆人親近也仁謂仁者餘力猶言暇日以用 位而後可學文也 其是之謂乎 大學異真 有

金牙口尼白電 學文則文滅其質有餘力而不學文則質勝而野愚 文非為華己之學也尹氏曰德行本也文藝末也窮 當然而所行或出於私意非但失之於野而已 其本末知所先後可以入德矣洪氏曰未有餘力而 謂力行而不學文則無以考理賢之成法識事理之 我真可對日吾學真禮乃來乎非也即如今一幼者入塾學幼 主曰或問弟子有餘力則學文母 見禮 侍事盖 乃行先學後

たこうえんは 朱子大學或問曰大學之道吾子以為大人之學何也 美哉 學書者亦云詳矣而夫子括之以數語亦猶大學 要簡而愈明謂賢於堯舜生民以來所未有豈溢 括之以三言曰明明德新民止於至善也撮其機 教人以格致誠正修齊治平如彼其悉備而夫子 按古者小學教人之法見於經傳而朱子輯為小 大學異真

然其為道則一而已是以方其幼也不習之於小學則 為書矣學者不可以不之考也曰吾聞君子務其遠者 而又欲其考乎小學之書何也曰學之大小固有不同 大者小人務其近者小者今子方將語人以大學之道 曰愚於序文已晷陳之而古法之宜於今者亦既輯而 不進之於大學則無以察夫義理措諸事業而收小學 無以收其放心養其德性而為大學之基本及其長也 日此對小子之學言之也日敢問其為小子之學何也

多好四库全書

以子之言而得循序漸進以免於躐等陵節之病則誠 幸矣若其年之既長而不及乎此者欲反從事於小學 幼學之士必先有以自盡乎酒婦應對進退之間禮樂 至善是乃次第之當然又何為而不可哉曰幼學之士 之分判然如薰循冰炭之相反而不可以相入也今使 宜而有高下淺深先後緩急之殊非若古今之辨義利 射御書數之習俟其既長而後進乎明德新民以止於 之成功是則學之大小所以不同特以少長所習之異

スペーリューベー

大學翼真

聪明進德修業而致夫明德新民之功也是以程子 之節與夫六藝之教為大學者不由乎此亦無以開 者不由乎此固無以涵養本原而謹夫洒埽應對進 聞之敬之一字聖學之所以成始而成終者也為小學 若其工夫之次第條目則宣遂不可得而復補邪益吾 如之何曰是其歲月之已逝者則固不可得而復追矣 從事於大學則又恐其失序無本而不能以自達也 則恐其不免於扞格 胡客 反 不勝平勤苦難成之患欲直 則 發 迡

對定匹库全書

ていてい かたす 也顧以七年之病而求三年之义非百倍其功不足以 患於無本而不能以自達矣其或推頹已甚而不足以 知良能之本者亦可以得之於此而不患其失之於前 此以進乎大而不害兼補乎其小則其所以進者將不 有所兼則其所以固其肌膚之會筋骸之束而養其良 明格物之道而必以是為說馬在子 其心而不近道矣是 莫過於寡欲又日格物者通道之始思欲格物則涵養須用敬進學則在致知又曰致知在乎所養 不放也不幸過時而後學者誠能用力於是何也不幸過時而後學者誠能用力於 大學翼真

舒定四庫全書 迷惑終無以為致知力行之地矣況欲有以及乎天下 自力則吾見其扞格勤苦日有甚焉而身心顛倒眩瞀 致之若徒歸咎於既往而所以補之於後者又不能以 國家也哉 事物之理即茫茫蕩蕩都無著落處須用添箇敬字 次崖林氏曰或問陽明云文公大學新本先去窮格 若須用添箇敬字緣何孔門倒將一箇最緊要底字 落了直待千餘年後要人來補出正謂以誠意為主

目皆是持敬之事及至十有五年入大學此時持敬 來古者八歲入小學教之西婦應對進退等許多節 工夫已熟所以收其放心涵養本原以為窮理格物 便是至誠大學工夫只是誠意誠意之極便是至善 之地者固已素定初非光光湯湯無者落處須用添 不無畫蛇添足其說如何曰大學之教是承小學做 工夫總是一般今說這裏補過敬字那裏補過誠字 即不須添敬字大抵中庸工夫只是誠身誠身之極

大元日明 AI 本日

大學異真

箇敬字也朱子之所添是為過時不及從事於小學 者教之由此以為格物窮理之地固非前輩將箇緊 議朱子寧不為所笑乎誠與敬自有分謂以誠意為 要底字落了而待千餘年後人來補出也乃以是而 物一步也既以格物為去私意則當物格時私意已 主則不消添敬字是以誠當敬字固不是且經文曰 無了又何須再去誠意再做無自欺慎獨許大工夫 物格而后知至知至而后意誠是意誠工夫又後格

金分口月百十

とこりはんな 格而后知至知至而后意誠分做三節中間又用箇 目不言敬而敬自無不該今以誠意當敬則敬列於 邪可謂室礙不通之甚矣又敬該動靜徹始終八條 得無疊牀重屋邪若謂格物即是誠意又不應說物 庸一書通篇言誠不一而足固無待於補先儒亦未 八條目而為一目不能貫通乎上下矣又可通乎中 天下平與此一類也亦將謂齊家即是治國平天下 而后字果如其說則後面家齊而后國治國治而后 大學翼真

多行四月五書 嘗補之也馬得為此語哉陽明之言句句有病此類 甚多予不能盡辩也 大學者言之耳非謂幼時不必習洒婦應對進退 守涵養宣不聞程子曰酒婦應對與精義入神貫 議其後謂小子何年酒帰應對何事乃教之以持 之節與夫六藝之事而徒以敬為學也良知家妄 渭按朱子欲以敬補小學之功此特為長年遽入 通乎又謂朱子云洒婦應對問久已持守堅固涵

大己口巨 三 乎良知家陽儒陰釋凡可以詆程朱者吹毛求疵 子固云進乎大而不害兼補乎其小矣曷當盡廢 服備責以成人之禮亦將我冠博帶而習如帝拘 不遺餘力不可不痛為之闢也 袂負劍辟咡之儀乎若夫六藝之猶可為者則朱 之事終不可廢敬不足以補之然則古者冠而 養純熟是孩童而神聖矣何須大學之教豈不聞 孔子曰蒙以養正聖功乎又謂雖已過時而小學 后

大學翼真

兼備者也停行孝弟博學不教内而不出樂之文武學行孝弟博學不教内而不出 金牙口月百十 記內則二十而冠始學禮可以衣表帛舞大夏夏馬 内畜其德而不暴於外切於為已也 故衣表帛八年教遜讓十年學幼儀則已知孝弟之 道矣至此益加以萬行也孝躬百行之本故先務惇 徐氏師曾曰冠則成人矣故可以學禮冠而后服備 行而後博學也博學於文而不教人恐所學未精也 大學之教

友視志及視志意所尚 たこりるという 猶事也服謂任 四十始仕方物出謀發慮道合則服從不可則去方比 事從謂從君 三十而有室始理男事 常師主善為師也遜順朋友而視其志之所尚所謂 徐氏曰三十曰壯可以娶妻而成立矣於是始治受 田給役之事博學無常所志所慕則學之所謂學無 舍已從人唯善是取也 五十命為大夫服官政七十致事 大學異真 田給政役也博學無方孫養鄭田男事受博學無方孫養 致猶

銀分四月至書 自二十五年有事於學又無利可趨則其志可知此 程子曰古之為士者自十五入學至四十始仕中間 徐氏曰四十曰强道明德立之時也故可出仕以治 世立法自童稚即有汲汲利禄之誘何由向善 其理蓋方物出謀以制事則所謀當理方物發慮以 所以成德故古之人必四十乃仕然後志定業成後 **揆物則所慮合理而皆不過乎物矣合則服從不合** 官之小事仕則有事矣於是以事物相比方而窮

於君也 則去去就之義也五十曰爻政成而德尊故可以統 一官之大政七十曰老年邁而力衰故當還其職事 十以後之事也方物出謀發處其知止之效乎內 即此章二十三十之事為政謂齊治平即此章四 大學以其記博學可以為政也博學謂格物致知 知之事也大學始教於此可見矣鄭目録云名曰 渭按二十三十两言博學謂博學於文即格物致

火定四車全書

大學翼真

學記此成在入學中年考校一年視離經辨志三年 足以化民易俗近者說服而遠者懷之此大學之道也 之小成九年知類通達强立而不及謂之大成夫然後 視敬業樂為奉五年視博習親師七年視論學取友謂 朱子曰這幾句都是上兩字說學下兩字說所得處 而不出得君子閣然之道孫友視志廣直諒多聞 大臣之風度此由大學來者也 之益道合則服從不可則去是謂以道事君綽有

移也蓋考校之法逐節之中先觀其學業之淺深徐 輔其仁也博習者積累精專次第而遍也親師者道 同德合爱敬兼盡也論學者知言而能論學之是非 敬業者專心致志以事其業也樂羣者樂於取益以 能分别其心所趨向如為善為利為君子為小人也 十能觸類而貫通也强立不反知止有定而物不能 取友者知人而能識人之賢否也知類通達聞一知 離經便是學辨志是所得處他做此又曰辨志者自

大足り車とよう

大學異真

察其德行之虚實讀者宜深味之乃見進學之驗 厚齊王氏應麟因學紀聞曰學記以發慮憲為第 義謂所發之志慮合於法式也一年視離經辨志 故曰士先志 子儒不為小人儒此學之本也能辨志然後能繼志 **必謹志之所趨必辨為善不為利為已不為人為君** 年者學之始辨志者分別其心所趨向也慮之所發 徐氏曰學大學也每歲皆有入學之人問歲而行考

たこう 車台等 學施諸政治則有化民易俗近說遠懷之效矣此大 大成而人才出矣得此大成之士而官使之以其所 虚實如辨别志超一也樂於講習二也親愛其師 論學能決是非四也知類通達五也徐察其德行之 斷句一也肆業而無倦怠二也博習而不寡陋三也 相資本示兼備能者知勸不能者知畏由小成以至 也善於取友四也强立不反五也以此考校則文行 校之法其考之也先觀其學業之淺深如讀經而能 大學異真

新玩四月百言 學教人之道所以明德新民而臻其極也 截為學業下截為德行然大聚屬知一邊於辨志 樂離經敬業博習論學即內則之所謂博學論語 按大學考校之法自離經始經即樂正之詩書禮 士至大胥擊鼓以發篋而出其書籍放則所謂孫 其業者即博文之業也故朱子釋此五者雖以上 之所謂博文也下文入學鼓篋孫其業也注云學 云分别其心所趨向取友云知人而能識人之賢 卷二

子能發其溫典也學者材有高下質有敏鈍間歲 子為之師而身通六藝者七十二人尚不能皆底 致知之功九年乃物格知至之候此章之義唯朱 辨之志至此而有定向矣可見七年以前皆格物 此即補傳所謂用力之久一旦豁然貫通者强立 而不反則以為知止有定而物不能移蓋初年所 否至於知類通達則曰聞一知十能觸類而貫通 考校第察視其能否非公人人悉如期夫以引

RICO IN ACTION

大學羅真

動员四周至書 正持書禮樂以造士 那日 那日 那日 在 不 是 我 國 子者也 所者 道路 之 是 我 以詩書 徐 氏 曰 禮樂 冬夏 教 以詩書 徐 氏 曰 禮樂 冬夏 教 以詩書 徐 氏 曰 禮樂 冬夏 教 以詩書 徐 氏 曰 禮 樂 冬夏 教 以詩書 徐 氏 曰 禮 樂 冬夏 教 以 詩書 徐 氏 曰 禮 樂 冬夏 教 以 詩書 徐 氏 曰 禮 樂 冬夏 教 以 詩書 徐 氏 曰 禮 教 表 更 面 是 於 冬夏 诸公宜而 於大成況其師不及孔子者乎 之别也國之後選 王 宜禮知暢謂之禮 則庶 子 於樂之義以名所 於春 春 度 成 世 世 者 度 数 献 本 名 所子 羣后之大子 家 下文 書 升皆子 禮 司 酢 聲容 樂 謂大 春 則 順 之 日奉鄭 誦 樂

不用尊 スニア. L. ここ 陳氏禮書曰詩書禮樂謂之四術亦謂之四教猶君 是不知崇四術之意也 故也孔子之於易必待五十而後學游夏之於春秋 臣父子夫婦長幼朋友謂之五典亦謂之五教也然 不言易與春秋者為其非造士之具不可縣而語之 浜 一辭莫贊其意蓋可見矣首卿欲隆禮樂殺詩書 皆造馬鄭田皆以凡入學以為鄭田入學皆 大學異真

母好匹庫全書 事之文不列於學官及經夫子之贊修則易為反 身寡過窮理盡性之學而春秋則定天下之邪正 為百王之大法撥亂反正之道莫近於此皆教之 如今日之所存然易為卜筮之書春秋為國史紀 四術盡之矣三代以上詩書禮樂極其明備不僅 按詩書禮樂皆格物致知之具也大學之所以教 生今日雖不幸而不覩詩書禮樂之全猶幸而得 不可一日無者於是與四者並列而為六經矣士

音效下干戈秋冬學羽篇皆於東序小樂正學干大胥子亦當在學士之多以上 赞之篇師學戈篇師丞贊之胥鼓南干盾也得兵之器 ス・リーハ ニュー 文王世子凡學者世子及學中士以時學教也與數 亦當在學士之列必時四時各有所敢也 春夏學論後選所升於學者渭按卿大夫元士之適春夏學 得之實耳豈患經之不全哉 以為詞章之用或以為禄利之途而卒無躬行心 之門嗚呼備矣篾以加矣所患學者志之不立或 見易春秋之微言大義又有論語孟子以為入德 大學翼真 鄭日學士謂 司 同

可乎 定匹庫全書 六律 讀書典書者 從恐 世 按者 羽 氏曰四時各有所教一則使之習有常而 春 周修 而 琴 爾夏姓 瑟 即 禮 笛 弦 同 雜 五聲 為 首也 夷樂 詔之禮在替宗書在上 大師詔之替宗秋 夷 崙 物 要 樂 章之 師 乃 雖 故南 道 日旄特 音 節! 示 之 鼓 也 四 執 者 詔 亦 日 教 大 為 南鼓樂 胥南 载者 武 夏 南正 劉歌 啓 禮 之 徐 킑 之 氏之 П 篇 日 誦 氏佐 春 詔 之且之日也

次定四車全書 樂也 則使之志有定而無分心也 漢儒刺六經而作於古記撮其大凡不若文王世 而包羅和會之也春夏學干戈至胥鼓南皆放樂 子之詳明言時教者當以此文為正不可舉兩說 同冬夏亦教樂春亦教詩頗相抵牾竊疑王制乃 之事春誦夏弦大師詔之聲宗此教詩之事非教 按王制春秋教以禮樂冬夏教以詩書與此文不 周禮大師教六詩日風日眠日比日秋學禮 大學異真質皆詩之義也非聲也

盡不問不敢先問以 大可以問終則負擔 門終則却就後席員編而 金牙口匠 大司成論說在東序凡侍坐於大司成者遠近問三席 新安王氏曰上所謂干戈羽篇之舞弦誦之歌書禮 之文無一不盡而非教者為之論說則習其事不明 其義誦讀其言不明其指歸與不學無異大司成所 時教必有正業者此也 冬讀書與王制合四教之時截然不豪學記所謂 参尊者之言 坐以避後來問事之人 列事

大己口車百事 樂教之使成也 以在東序為之論說也大司成即大司樂不謂之大 司樂而謂之大司成者以世子及國子之德業大司 成必以其所教者為之論說於東序孟子曰博學 而更問亦可謂問之審矣退而又以其所聞釋之 問之儀教者既答其問而猶有所疑則待其言盡 而詳說之是也論說必有所問難故下文繼言侍 時教者博學之事也非講習則其義不明故大司 大學翼真 <u>-</u>

學記大學之教也時教必有正業退息必有居學不學 金好口屋台電 禮不與其藝不能樂五教學鄭曰孫緩雜弄也 弊緩不能安弦不學博依不能安詩不學雜服不能 心也思辨所以竟問之緒也 於已是謂慎思思之而有所得不敢自以為是復 辨亦問之類如仲弓之辨簡於夫子非徒決之於 進而質之於其師是為明辨文言曰問以辨之是 詩亦樂也故因樂言之數輔氏日上言禮樂矣故 服 皮依

とこする ハトラ 此之謂乎徐氏曰敬孫移時敏藏修息遊之 弊 師輔而不反也兒命曰敬孫華務時敏厥修乃來其去 然故安其學而親其師樂為其友而信其道是以雖離 休止之息遊謂閒暇無事之遊方氏曰藏則藏於其 君子之於學也藏焉修焉息焉遊馬鄭日藏謂惟把 業如春秋我以禮樂冬夏教以詩書春誦夏於之 陳氏曰舊說大學之教也時句絕退息必有居句絕 今讀時字連下句學字連上句謂四時之教各有正 則修於其身輔氏曰藏猶詩所云中心藏之 大學異真

多方四月在書 是也退而燕息必有燕居之學如退而省其私亦足 者純而藝愈熟故其學易成也 則心與理融而成熟矣然未至於安則在乎為之不 依雜服此退息之居學也凡為學之道貴於能安安 以發是也弦也詩也禮也此時教之正業也操緩博 習者專而志不分息焉遊馬之際必有居學則所養 厭而不可有作報也藏馬修馬之時必有正業則所 按徐伯魯云操縵博依雜服者藝也退息之所宜

えこりま シピー 意也居學獨無書蓋書之事更無易於讀者則暫 所遷則此心一放即是畔道之漸故必取其藝之 其不與於藝是以不樂乎學可見居學之有關於 心無所放而正業亦因以加熟此即論語游藝之 近於正業而較為淺易不至勞苦者時時習之則 不弛恐不勝其勞苦苟其一無所事而或為異物 正業矣蓋退息之時若仍如正業之所為則張而 與者也弦與詩禮者學也時教之所宜安者也唯 大學翼真 -+ 9

到玩四月在書 論語子所雅言詩書執禮皆雅言也 朱子曰詩以理情性書以道政事禮以謹節文皆切 常執守之禮不可問者耳若宗廟郊社於日用之實故常言之雙峰饒氏白禮 為學也 輟之而已且操緩博依雜服即冬讀書之餘亦可 循用 執者射則 執講不 祭之日執記之有時亦 者出人者 日不岩常 以次位常是老世祖 有五禮夫 凡大禮石 朝言 射史者林觐 事大韶葉會日 時執祭之氏同用 其祀盖曰非所子

IC TO THE ACTION 水仕而後可以歌其能否方其此言詩禮樂之效而不及書者盖書以道政事政事各自得力此與詩立禮成樂所以有先後也 渭按得之華易先後淺深也服了服之既久則耳聪目明得之華易先後淺深也語類云辟如服樂初時一向 後學禮則此三者非小學傳授之次乃大學終身所 朱子曰按内則十歲學幼儀十三學樂誦詩二十而 日典於詩立於禮成於樂 之例先儒謂言禮則樂在其中恐未當 以其職掌偶及之耳故不在雅 智之 大學翼真 雅言不 者盖樂有 吉 語 樥 有

金云四月至書 方莫不受業焉然則顏子所謂博我以文者亦博 雖廢而儒者之所以教人則仍用詩書禮樂史記 義則始乎為士終乎為聖人蓋自春秋以降學校 子勸學亦曰其數則始乎誦經言 子之教必始於詩書而終於禮樂雜說不與焉首 按王氏因學紀聞云孔庭之教曰詩禮子思曰夫 云孔子不仕退而修詩書禮樂弟子彌衆至自遠 之於此而已矣 請 終乎讀禮其

子曰志於道據於德依於仁游於藝 理之流行矣游者玩物適情之謂藝則禮樂之文射 歧之感矣據者執守之意德則行道而有得於心者 當行者是也知此而心必之焉則所適者正而無他 工夫至此而無終食之違則存養之熟無適而非天 功矣依者不違之謂仁則私欲盡去而心德之全也 也得之於心而守之不失則終始惟一而有日新之 朱子曰志者心之所之之謂道則人倫日用之問所

大小り直入す

大學翼真

金牙四月百書 都不及待到依仁後方從事也力學文意不是未到依仁時且放矣日游藝之功與志道據德依仁亦是並行放矣陸氏日游如人之游觀有時而為之次崖 夕游焉以博其義理之趣則應務有餘而心亦無所 御書數之法皆至理所寓而日用之不可闕者也朝 云小學習其事此乃究其理也然理不外乎事未 游藝即退息之居學也六藝小學時已習之矣而 按上二章詩書禮樂即大學時教之正業而此章 此於志道據德依仁之下復繼之以游藝者先儒 有時而為之次崖林氏

學樂舞勺成童舞象學射御皆小藝也二十而冠 始學禮舞大夏及學記之操縵博依雜服皆大藝 大學學大藝馬如內則十歲學書計學幼儀十三 藝有大小古者教人必先其易者而後其難者故 也蓋既入大學則又以正業之餘力舉五禮六樂 保傅篇曰八歲而出就外舍學小藝馬束髮而就 有不習其事而能究其理者觀集註云日用不可 闕又云應務有餘則游藝亦必習其事可知矣蓋

欠己り時心時

大學翼真

禮記文王世子行一物而三善皆得者唯世子而已其 君我而與我齒讓何也是上百り 盛於學之謂也循事也故世子齒於學國人觀之曰将 上: ,然而衆知父子之道矣其二曰將君我而從而聽之然而衆知父子之道矣其二曰將君我而 然之故以博其義理之趣外之事父事君可以泛 五射五御六書九數之事而偏習之且究其所以 應而曲當內之存心養性可以精義而入神此其 所以為大學之教而非曲藝者之所能與於此也 疑之而問曰有父在則禮然知

金分口月五十

與臣之節所以尊君親親也故學音效之為父子病學 た己可能公言 以貞世子之謂也 道得而國治語曰樂正司業父師司成一有元良萬國 之為君臣焉學之為長幼焉東口學父子君臣長幼之 義也其三曰将君我而與我齒讓何也曰長長也然而 東知長幼之節矣故父在斯為子君在斯謂之臣居子 與我盛讓何也曰有君在則禮然然而衆者於君臣之 按學校之教所以明人倫教之為父子教之為君 大學翼真 教也 寸

到云四屋在書 禮記王制司徒上賢以崇德簡不肯以無惡三句是 臣教之為長幼皆明倫之事也由三者推之則夫 博學審問慎思明辨篤行今之學者亦求諸此而 書禮樂其道則父子君臣長幼夫婦朋友其法則 婦朋友可知矣由齒讓一節推之則其餘諸大禮 學校選舉之法 已豈有他術哉 可知矣以是知古之大學所以教人者其文則詩 廬陵胡

從善也 関也後做此延平司, 愛也女初禮不變移之郊年之元日智射習鄉底幾口初禮不變移之郊如初禮者鄉大夫又底幾山前不帥教者移之右庭之所新其師友講左鄉間不帥教者移之右左右對移以易其藏 三日日八十方 改過以 過以八點入一人人母於親大司徒的國之俊士與去執事焉盖欲使不即 之卿大夫 植會也 遂之間謂之郊女初禮不變移之遂或在遠後做此延平周口初禮不變移之遂至遠在遠 不帥 不變命國之右鄉簡不帥教者移之左命 間 下同 下司 教者以告者老皆朝者于庠者 教至終身不齒皆绌惡也 謂之郊 元日班月司射上功習鄉上齒 士至 大學異真 士 德 鄉大夫又以其師友講 以易其藏修 國

周 俊 征 而升之學曰俊士升於司徒者不征於鄉升於學者 金月口屋台書 能 有 於司徒曰造士 禮不變屏之遠方終身不齒 鄉論秀士升之司徒日選其士司徒論選士之秀者 入德矣於 成 習 謂 德 屏棄之 鄉大夫之職三年則大比及其德行道藝而與賢 行道藝者 士 禮 可 使 켬 禮 升 頛 苗 者 出 Z 司徒母都出日 大 學移電 秀 不 俊次 Ž, 馬 示 司 徒秀 秀者 則 之 給 其 どく 其 禮 徭 升鄉 謂 終 敎 其 役之大 而 不 造學 オ 成目所 楢 怹 可

人門可見公子 出使長之使民興能入使治之本人 驕 于王王再拜受之登于天府内史貳之退而以鄉射之 者能者 不中不懾也典舞其節比於樂 五物詢果庶過謀也問於果庶軍很有賢能者 禮 體直也主皮中也復日和容中不 , 厥明明 , 鄉老及鄉大夫奉吏獻賢能之書 二日容三日主皮四日和容五日興舞 變舉言與謂合東而 鄭曰賢有德 **分郭曰宋**寡 之善者無多寡也上禮禮賓之飲 大學翼真 有 休足以長民 道 藝 者 此謂使民與賢 鄉老及鄉大 者在 居 内志正 手 位 日 日 也

李氏景齊曰古者人才之風雖得之於鄉舉里選之 於教法之所示則問胥於聚衆庶之時族師於每月 公亦其所以長養成就之者自有道也蓋以五家之 之吉黨正以孟月之吉州長以正月之吉皆屬民而 出使長之入 已有下士一人為之長而有以禁其奇東之心至 四月百書 之之事也 不過賓之於鄉而亦用之於鄉此於其鄉以治之所以任其事也成米足以治乎民居於他所則事情 所 正周必教

とこりま かたり 弟睦婣有學則族師書之德行道藝則黨正書之夫 真賢碩能何以責備於一旦卒然賓與之日故自比 摩誘掖之者詳且至矣猶未也人才不以漸而進則 夫然後鄉大夫於三年大比而賓與之則其賢書之 長又有以改其德行道藝而勸之糾其過惡而戒之 所書至於黨正則是才之已成矣猶恐其或濫也州 長有以禁其奇衰之心而敬敏任恤則問胥書之孝 讀法無非導民之知所從而使之不及吾教所以漸 大學異真

鱼丘四月至書 獻悉有以公天下之心先王之於人才其教之不苟 而進之有漸如此後世取人類薄其所以長養成就 之者而一旦旁求博取務得真才亦疏矣 按司徒未上賢而先簡不肖插牧羊之法惡者軟 斤去母令敗奉也於是命鄉論秀士升之司徒曰 選士即鄉大夫三年大比所與之賢能也何休注 虞庠也選士移名於司徒身即入郊學孔疏云猶 公羊傳云庠之秀者移於國學學於小學小學謂

士之在鄉學其為秀者則由序以升諸庠由庠以 之書既獻于王而鄉大夫復以五物詢衆庶何也 與賢出使長之使民與能入使治之者是也賢能 郊而以德進事舉言揚次第用為鄉吏所謂使民 恐其有遺賢也古人之於取士慎之至矣 九年考校之後矣其不升大學者蓋使之觀禮於 日俊士亦曰造士則造之以詩書禮樂而進退在 在鄉學非也司徒又論選士之秀者而升之大學

欠己可見かず

大學翼真

金分四月五十 或以德進或以事舉或以言揚 禮記文王世子凡語于郊者就於郊學 親視學於西郊考課論說其學者才能以西方成就 孔氏曰郊西郊也周以虞庠為小學在西郊今天子 之地故也德謂有道德者進之宜先事次德者謂解 從此分矣 教之以待後舉其不可教者則歸諸南晦而士農 升諸司徒矣其有未及乎此而材質猶可教者則 必取賢敛才馬

火足四月 日馬 者 周禮遂大夫舜送中大夫一人其屬則各掌其遂之政 令三歲大比則率其吏而與此明其有功者屬其地治 鄭氏曰與此舉民賢者能者如六鄉之為與猶舉也 堪為使命則揚之揚亦舉也 世事或吏治之屬亦舉用之言又次事能言語應對 身入郊學不征於鄉者也鄭注以進士當之誤矣 按此所進所舉所楊即鄉之秀士移名於司徒而 大學異真 = +=

金ケロルとき 都陽馬氏曰按六鄉之外為六遂遂大夫之職猶鄉 亦當互文以推之 勵教化與賢能之事鄉詳而遂畧先儒謂鄉以教為 大夫之職也州長以下之職猶縣正以下之職也然 以此教安得以此與之此即遂人下劑致之田里安 王氏曰鄉之所謂賢者皆以德能者皆以道遂未曾 主遊以耕為主宣遂民不可教而鄉民不可耕邪蓋 之樂昏擾之者也七萬家幾二萬人必當有桀異聰

户三可用入事 I 黄氏曰遂大夫專以教稼穑為職而里牢合耦于鋤 易氏曰小雅云或耘或籽黍稷嶷嶷攸介攸止丞我 髦士求髦士於或耘或耔之間 得非六遂與毗之意 賢良之舉即與賢能之遺制力田即與此之遺制豈 劉氏迎曰與此不過明有功屬地治而已後世孝康 慧者於是乎與之 可比而一之 大學翼真 三十四

酇長趣度其耕耨無非農事故與毗明其有功者亦 在畎畝不敢廢也故漢舉孝弟力田有三代遺意 惟田功而已雖然謹庠序之教申之以孝悌之義雖 是然則遂七萬五千家竟無一賢能之可舉乎曰 大賢能之舉以由鄉庠遂之秀士亦必移之鄉庠 非也鄉有岸復有序遂則有序而無岸鄉學岸為 按與此與與賢能不同謂如漢舉孝弟力田者近 而後得升於司徒鄉老及鄉大夫主其事而遂大

大臣四里 三馬 謂之縣內諸侯其論秀當如外諸侯之例三歲而 之屬在畿內者王制天子之縣華內凡九十三國 三人次國二人小國一人縣內三等米地當亦視 公鄉大夫之米邑王子弟所食邑周召毛脚畢原 之義然則都鄙如之何曰鄭注周禮大宰云都鄙 而鄉庠而郊學而大學正合天子外小學內大學 夫不與焉故遂無賓與之文耳士之升也由遂序 一貢直升司徒不由鄉庠也舊說諸侯貢士大國 大學異真

記王制將出學小胥大胥小樂正簡不帥教者以告 此數矣

皆入學不變王親視學不變王三日不舉屏之遠方西

于大樂正大樂正以告于王王命三公九师大夫元士

方曰棘東方曰寄終身不齒 鄭氏曰出學謂九年大成學止也所簡者謂王大子 王子羣后之大子卿大夫元士之適子大胥小胥皆 樂官屬也大樂正告于王王命皆入學亦謂使習禮

盖教之仁也簡不帥義也王親視學與三日不舉仁 陳氏曰棘則欲其悔過之速粮急寄則示其有可復 蹈於中和之域哉 之理可悔而不悔可復而不能復然後終身不齒矣 於教化而不私其子則凡在學者孰敢不性其情以 長樂劉氏曰不變者九年則雖王子亦屏遠方其公 習禮皆於大學不舉去食樂重葉人也 以化之不變王又親為之臨視重奪賢者子孫也此

たこりほんかう

大學翼真

我好四月百十 棘寄則以待貴者之禮有別於賤者故然耳 方氏曰將奪之而不舉自貶損以責其教之不至也 以義不得已也 也終身不齒義也先王之於國子仁之而已其處之 徒之論升以入學雖或不能臻於大成而亦不至 有過惡安得有棘寄之罪唯國子循例入學不由 按鄭汪此經不及國之俊選者盖俊選由鄉老司 論升世禄之家鮮克由禮故先王厚之以恩亦必

大巴马里山町 者以告于王而定其論論定然後官之任官然後爵之 位定然後祿之 大樂正論造士之秀者以告于王而升諸司馬曰進士 進士可進受爵禄也 日升諸司馬移名於司馬辨論官材論進士之賢 速方在九州之外果 剛與四山同罪矣學校之 刑恐不至於此 裁之以義習禮以示之而終不變則屏之遠方當 如伊尹放大甲于桐晉放胥甲父于衛耳先儒謂 大學異真 1

金女口上人 等其實鄉人入學為造士者亦同於此其鄉人不在 成即為造士於是大樂正總論此造士以告于王升 之職以德韶爵以功韶禄即知凡入仕者皆司馬主 學者及邦國所貢之士貢於王亦升諸司馬盖司馬 孔氏曰此文承王子公卿大夫之子下似專據王子 士若王子與公卿之子本位既尊不須積漸學業既 之下文更不見鄉人及邦國所貢之士故知此中東 之也但鄉人既卑節級升之故為選士俊士至于造

大三四年亡号 賢之義也 廬陵胡氏銓曰論賢者告於王則不賢者固不告矣 諸司馬也 後世策士於王庭不論人材賢否皆授以官非古論 夫位之於朝佐天子治平之業非知效一官能效 之而不賢者不得與馬則其人必可以為公卿大 升諸司馬司馬又論其賢者以告于王而官之爵 按學者九年大成知類通達强立而不反然後得 大學翼真

官伯掌王宫之士庶子凡在版者鄭曰士謂適子庶子 國之貴游子弟學馬貴游子弟即諸 諸子掌國子之俘掌其戒令與其教治凡國之政事國 之内次含之中 庶子之守在路寢 周禮師氏居虎門之左掌國中失之事以教國子弟凡 存遊倅使之修德學道春合諸學秋合諸射以及其 不器 職者之可得而比矣故學記曰大德不官大道

秋須學合聲 大胥掌學士之版以待致諸子春入學舍采釋以合舞 韶王治以德韶爵以功部禄以能韶事以久真食 司士周知邦國都家縣鄙之數卿大夫士庶子之數以 九三日三 八二 藝而進退之 止齊陳氏傅良曰古者取士先國子次俊造夫國子 適子皆造焉則諸侯子在其中矣今見於經師氏居 非但王子之謂也記曰羣后之大子卿大夫元士之 大學翼真

金牙口眉石書 籍在諸子其教則大胥小胥由此觀之列國之子與 虎門教國子則宿衛王宫之士庶子宫伯所領者也 大司樂成均教國子是謂胃子則常在學者也其餘 在周行者同衛王宫同入成均同緑學士之版於斯 不常在學特名在學士之版則歲春秋一合諸學其 康叔之子牟齊大公之子极俱事康王而宣王欲得 取才焉而用之曾何内外之辨傳言周公之子伯禽 國子之能訓導諸侯者樊移仲以魯侯對略可親矣

大三日三八十 周之士不顯亦世也 選是故天下無遺才而王室亦無世官之弊故曰凡 造盖以三百六十官选來四方之彦而博極一時之 猶以為未廣也則鄉黨有賓賢邦國有貢士是謂俊 掌其教治放其藝而進退之進者移名於司士司 大學為造士而庶子不與馬故又設諸子之官以 得入虎門之學及其二十而冠也則唯適子得入 按犀后與卿大夫元士之子年十三無問適庶皆 大學異真

金分四月石書 得與於祭數與於祭而君有慶數不與於祭而君有讓 與於祭其容體不比於禮其節不比於樂而中少者不 試之於射官其容體比於禮其節比於樂而中多者得 禮記射義古者天子之制諸侯歲獻貢士於天子天子 數有慶而益地數有讓則削地 類此國家所以休威一體上下親而內外察數 師氏以待後舉也王宮宿衛皆功臣之世賢者之 士以告大司馬而官之以宿衛其退者則仍教於

賢賢三適謂之有功一賜以車服弓矢再賜以和卷三賜 人工日豆 二十 以車服弓矢是也云三適謂之有功賜 漢書武帝紀有司奏議曰古者諸侯貢士壹適謂之好 以虎實號曰命諸侯 黜爵地畢矣 尚書大傳諸侯三年一貢士一適謂之攸好德再適謂之 進賢便受之 服废曰適 錫備 再適謂之賢賢三適謂之有功迺加九錫 似不然也當受進賢之一錫尚書大傳物伯者之威禮齊桓晉文猶不能備今 不貢士壹則點爵再則點地三而 大學異真

金分四月在書 造士行同能偶則别之以射然後爵命馬 爵土升之司徒辨論其材 食貨志諸侯歲貢少學之異者於天子學於大學命曰 後漢書左雄傳古者諸侯歲貢士進賢受上賞非賢貶 貢士侯國之士也鄉大夫與賢能王畿之士也大司 樂教國子國之貴游子弟也 王氏困學紀聞曰取士之制其塗有三諸侯三年 按諸侯每歲必貢士似太數當從大傳三歲一貢

司馬曰進士别之以射其在司馬辨論官材之日 其秀者升諸大樂正耳造士九年大成而後升諸 有三千餘人豈能皆入大學左雄云升之司徒是 也漢志所謂學於大學命曰造士者蓋司徒又論 諸侯豈獨歲歲貢之邪然即三歲一貢約畧計之 為是鄉大夫三年一與賢遂大夫三年一與旺外 彦昇按儀禮鄉飲酒禮鄭目録云諸侯之鄉大

見記り見る時

大學翼真

B+_

金万四月五十 凡升必用正月將用升之先為鄉飲酒之禮據 鄉大夫一鄉鄉各有學鄉學鄉先生教於鄉中 之飲酒鄉飲酒義孔疏云天子六鄉諸侯三鄉卿二 此則諸侯與賢與天子之禮同其三年所貢士 則升學士於天子若諸侯鄉則升學士於諸侯 之人每年入學三年業成必升於君若天子鄉 夫三年大比獻賢者能者於其君以禮賓之與 即其與於鄉而升於學者也然其所謂野處而

· 飲定四車全書 大學異真 賢敏才馬或以德進或以事舉或以言楊曲藝皆誓之 禮記文王世子凡語于郊者長樂劉氏曰語謂此以取 達華之於成均 以及取爵於上尊也 以待又語三而一有焉乃進其等以其序謂之郊人句 者在位能者在職也則既貢其尤異者於天子 用為鄉吏當如天子之出使長之入使治之也 其餘升於大學者當如天子之有造士也或遂 不雅者必不止於所貢之士而其國亦欲使賢 賢德者則錄取之有才能者則收斂之道德為先事 陳氏曰語于郊者論辨學士才能於郊學之中也有 代之天子飲酒於虞庠則郊人亦得酌於上尊以相 藝不必盡善進等謂進於衆學者又以其藝為次序 語為後復論說也三說之中有一善則取之以有曲 鄭氏曰曲藝謂小技能也誓謹也皆使謹習其事又 遠之者不曰俊選曰郊人賤技藝俟事官之闕者以 於堂下之尊今郊人雖晓而酌上尊所以祭之 徐氏曰凡飲酒之禮尊者酌於堂上之尊甲者酌

於同輩中以所能高下為次序使不混其優劣也 其等即於其同等之中拔而升進之也然猶必使之 者謂此曲藝之人舉說三事而一事有可善者乃進 習所能以待後此再語之時乃考部之也三而一有 而有此曲藝之人欲投試考課者皆卻之使退而謹 功次之言語又次之曲藝一曲之藝小小技能若醫 卜之屬誓戒謹也學士中或無德無事無言之可取 曲藝鄭但云小技能也孔疏乃以為醫卜之屬後

次足四年 三

大學翼真

四十四

金火口及台灣 儒皆遵其說今按王制祀史射御醫上及百工凡 執技以事上者不貳事不移官出鄉不與士齒賤 謂此曲藝之人亦鄉所與之能者也鄉三物之教 國子以道而教之六藝是也非然者則謂之曲藝 者明矣蓋藝而本之於德行此之謂道藝保氏養 藝者則今之曲藝為初時所與之能不足於德行 本有六藝鄭注鄉大夫職曰賢有德行者能有道 之也郊學之士由論秀以升此輩安得與其列竊

若此之樂哉先王之於士取之甚寬而辨之甚嚴 來耳如果為醫卜之屬則出鄉不與士齒安得有 義之盡也 既不限其同升之路亦不淆其流品之分仁之至 也郊人雖賤而猶得酌上尊以相旅為其由賓與 事官之闕而先王亦進而序之使人以器不求備 既一無所長故願自貶以各試其所嫺之藝以補 名曰郊人以其終不可與入大學也德事言三者

たろりはいい

大學具真

是故先王有上有下有先有後然後可以有制於天 辨乎宗廟之禮故後尸商祝辨乎喪禮故後主人 末節也故有司掌之樂師辨乎聲詩故北面而弦宗 童者舞之鋪庭席陳尊姐列遵豆以升降為禮者禮 樂記樂者非謂黃鐘大日弦歌干揚也樂之末節也故 金分四月五十 瑟也 扎 面 是故德成而上藝成而下行成而先事成而 相之禮故在 而 後 P 相 言其處罕也 居 後費 禮 故 禮儀此言知本者 在 主 宗 商祝謂習商 謂 之後皆 宗人 祀 而為 禮 祝

とこす こここ 於事者耳本示具舉精廳不廢得道之全體然後可 以制禮作樂以示天下 慶源輔氏廣曰德成而上非遺其藝也藝成而下則 局於藝者耳行成而先非廢其事也事成而後則役 之節即此類也先王之所以教人者莫大乎禮樂 其義者漢初有徐生善為容制氏能言鏗鏘鼓舞 按樂師宗祝之屬正郊特性所謂陳其數而不知 大學異真 ロナガ

大學翼真卷二 藝而謂之曲藝故下之後之李剛主大學辨業乃 皆先德行而後六藝首無德行以為之本即非道 御書數之小於禮樂者哉故鄉三物及師氏之教 與執技之流相近曾何當於大學之道哉而況射 然陳其數而不知其義則名雖在學士之版而實 云德行之實事皆在六藝六藝失則德行俱失上 下先後不成倒置歟

到灾四库在書